

Nëse është e nevojshme ju keni të drejtën të përdorni shërbimet e një përkthyesi. Lutemi na informoni mbi kërkesat për një përkthyes kur caktoni vizitën tuaj. Personeli i kujdesit ndaj shëndetit do të organizojë një përkthyer nga një agjenci përkthimi.

Për ata që sapo kanë ardhur në Suedi

Azilkërkuesit që janë të paktën 18 vjeç dhe që kanë një kartë LMA të vlefshme kanë të drejtën të marrin "trajtim të menjëhershëm për shëndetin dhe kujdes që nuk mund të presë". Doktorit vendos nëse është e nevojshme të jepet kujdes shëndetësor për një sëmundje apo lëndim ose jo. Të njëjtat rregulla aplikohen për trajtimet urgjente dentare dhe ndihmën urgjente.

Fëmijët azilkërkues dhe të rinjtë nën moshën 18 kanë të njëjtat të drejta për shëndetin si dhe fëmijët dhe të rinjtë që jetojnë dhe janë regjistruar në Suedi. Bashkia e Rrethit ofron edhe kujdes shëndetësor falas gjatë vitit kur fëmijë mbushin 19 vjeç.

Të gjithë azilkërkuesit e rritur dhe fëmijë dhe të gjithë fëmijët që fshihen kanë të drejtën të bëjnë kontrolle shëndetësore.

Azilkërkueset shtatzënë kanë të drejtën të marrin kujdes shëndetësor gjatë lindjes dhe pas lindjes në maternitet. Ju po ashtu keni të drejtën të merrni këshilla për kontraceptivë dhe kujdes mjekësor në rast aborti. Ky kujdes shëndetësor është gjithashtu falas.

Pagesat për azilkërkuesit

- Vizitat tek doktori në një qendër shëndetësore të kujdesit parësor ose kujdesi mjekësor pas një referimi kushton SEK 50.
- Trajtimet e tjera mjekësore kushtojnë SEK 25 me një referim nga një doktor që punon brenda sistemit publik të kujdesit shëndetësor.
- Nëse vizitoni një urgjencë ose klinikë të specializuar pa u referuar duhet të paguani pagesën standarde të pacientëve.
- Azilkërkuesit kanë të drejtën të udhëtojnë falas nga dhe për në vendin e kujdesit shëndetësor të ofruar nga Bashkia e Rrethit. Ju paguani një maksimum prej SEK 40 për një udhëtim vetëm vajtje (ose vetëm ardhje).

Vini re se ju duhet të tregoni kartën tuaj LMA kur merrni kujdes shëndetësor ose dentar. E njëjta gjë zbatohet kur blini medikamentet me recetë në farmaci dhe gjatë transportimit të kujdesit për shëndetin.

Mund të gjeni informacion në gjuhë të ndryshme në faqen elektronike të Zyrës Rajonale të Sigurimeve Shoqërore, www.forsakringskassan.se/privatpers/ny_i_sverige

Nëse është e nevojshme ju keni të drejtën të përdorni shërbimet e një përkthyesi. Lutemi na informoni mbi kërkesat për një përkthyes kur caktoni vizitën tuaj. Personeli i kujdesit ndaj shëndetit do të organizojë një përkthyer nga një agjenci përkthimi.

Në Zyrën Rajonale për Sigurimet Shoqërore ju gjithashtu mund të rezervoni një telefonatë në dhjetë gjuhë të ndryshme. Ju mund të merrni informacion në anglisht nëse telefononi 0771 524 524.